



Broj: 11-11-2-3921/25

Datum: 06.02.2026. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i prijedloga Komisije za provođenje konkurentskih i pregovaračkih postupaka nabavki za 2026. godinu, v.d. direktor Federalne uprave policije, d o n o s i

ODLUKU

o izboru najpovoljnijeg ponuđača u pregovaračkom postupku bez objave obavještenja o nabavci „Javna nabavka usluga pretplate i objavljivanja obavještenja i objava u službenim glasilima BiH i FBiH“

I.

Prihvata se prijedlog Komisije za provođenje konkurentskih i pregovaračkih postupaka nabavke za 2026. godinu, u postupku javne nabavke „Javna nabavka usluga pretplate i objavljivanja obavještenja i objava u službenim glasilima BiH i FBiH“, te se ugovor dodjeljuje ponuđaču JP NIO „Službeni list Bosne i Hercegovine“, čija konačna ponuda iznosi 18.433,06 KM bez PDV-a.

II.

Nakon konačnosti ove Odluke ponuđač će biti pozvan zbog zaključivanja ugovora kojim će se regulisti međusobna prava i obaveze vezane za predmetnu nabavku. Ugovorni organ će o ovoj Odluci obavijestiti učesnika postupka nabavke.

III.

Ova Odluka stupa na snagu danom donošenja.

IV.

Za izvršenje Odluke zadužuje se Sektor za finansije i javne nabavke.

V.

Odabrani ponuđač je dužan, u roku od pet (5) dana od dana zaprimanja odluke, ugovornom organu dostaviti dokumente iz tačke 1.6.2. tenderske dokumentacije.

Obrazloženje

Komisija za provođenje konkurentskih i pregovaračkih postupaka nabavki za 2026. godinu, imenovana Rješenjem Federalne uprave policije, broj: 11-11/4-30-2-1432 od 30.12.2025. godine, u predmetu javne nabavke „Javna nabavka usluga pretplate i objavljivanja obavještenja i objava u službenim glasilima BiH i FBiH“, utvrdila je da je pokrenut pregovarački postupak nabavke bez obavještenja o nabavci, na osnovu Posebne odluke o pokretanju postupka javne nabavke usluge objavljivanja obavještenja i objava u službenim glasilima BiH i FBiH, broj: 11-19/2-11-2-3921 od 11.11.2025. godine, a s obzirom da se radi o nabavci roba kada se iz suštinskih, dokazivih tehničkih ili umjetničkih razloga ili iz razloga koji se odnose na zaštitu ekskluzivnih prava ugovor može dodijeliti samo određenom ponuđaču.

Procijenjena vrijednost za predmetnu nabavku iznosi 18.433,06 KM bez PDV-a.

Komisija je u toku postupka zaprimila Zahtjev za učešće ponuđača JP NIO „Službeni list Bosne i Hercegovine“, te je nakon pregleda dostavljenog Zahtjeva za učešće, Zapisnikom broj: 11-19-11-2-3921/25 od 09.12.2025. godine, konstatovala da navedeni ponuđač ispunjava pretkvalifikacione uslove, nakon čega je donesena Odluka o rezultatima postupka pretkvalifikacije, broj: 11-11-2-3921/25 od 17.12.2025. godine.

Komisija je aktom, broj: 11-19-11-2-3921/25 od 29.12.2025. godine, Sektoru za finansije i javne nabavke prosljedila Poziv za dostavljanje početnih ponuda - za objavu na portalu e-Nabavke. U skladu sa navedenim, od strane ponuđača JP NIO „Službeni list Bosne i Hercegovine“ dostavljena je početna ponuda.

Komisija je uvidom u istu, Zapisnikom broj: 11-19-11-2-3921/25 od 20.01.2026. godine, konstatovala da je dostavljena ponuda prihvatljiva, te je nakon toga navedenom ponuđaču aktom, broj: 11-19-11-2-3921/25 od 20.01.2026. godine, upućen Poziv za pregovore. Pregovori sa ponuđačem održani su 26.01.2026. godine, a što je konstatovano Zapisnikom, broj: 11-19-11-2-3921/25 od 29.01.2026. godine.

Po okončanju pregovora Komisija je aktom, broj: 11-11-2-3921/25 od 30.01.2026. godine, Sektoru za finansije i javne nabavke prosljedila Poziv za dostavljanje konačnih ponuda za objavu na portalu e-Nabavke.

U skladu sa navedenim, od strane ponuđača JP NIO „Službeni list Bosne i Hercegovine“ u predviđenom roku dostavljena je konačna ponuda. Pregledom Konačne ponude, Komisija je Zapisnikom, broj: 11-19-11-2-3921/25 od 05.02.2026. godine, konstatovala da je konačna ponuda prihvatljiva i u skladu sa uslovima definisanim tenderskom dokumentacijom, te ugovornom organu predložila da se ugovor za predmetnu nabavku dodjeli ponuđaču JP NIO „Službeni list Bosne i Hercegovine“, čija ukupna cijena s popustom bez PDV-a iznosi 18.433,06 KM.

Na osnovu naprijed navedenog odlučeno je kao u dispozitivu odluke.

Pouka o pravnom lijeku: Protiv ove odluke može se izjaviti žalba u roku od 10 (deset) dana od dana prijema iste. Žalba se izjavljuje u pisanoj formi Uredu za razmatranje žalbi, putem ugovornog/prvostepenog organa.

DOSTAVITI:

- Ponuđaču,
- Sektor za finansije i javne nabavke,
- a/a.-

